

兵錄之青亦叱其從神錄之都督與從者皆不得去明日行人曰此必是嚴公也家人往叩頭謝過乃放遣歸

高道傳巨法師名國珍好神仙學名利兩忘喜怒俱遣食蔬衣敝所守彌篤忽感疾人勉之以藥曰道勝則疾除何慮之有其自信之如此一日晝寢門人忽聞車馬往來有頃瓦屋皆震師遂化去

洞府天倉靈壇石廩

神仙感遇傳河東薛逢爲綿州刺史夢入洞府肴饌甚多有人謂曰此天倉也旣覺卽使道士孫靈諷與親吏訪焉至州界昌明縣有洞曰天倉者師乃入洞見石牀羅列飲食名品極多食之味皆甘香欲賚歸以奉薛及出洞門形狀宛然皆化爲石矣

道藏輯要

三洞羣仙錄

全

翼集四

湘川記朱陵之靈壇太虛之寶洞當翼軫之宿度應璣衡故曰衡山山有五峰而石廩預其一焉山多詞人樵夫舟子往往能詩嘗有廣州從事舟行聞人諷詠云野鵲灘西一棹孤月光遙接洞庭湖堪憎回鴈峰前過望斷家山一字無

寡言石室靈府草堂

高道傳道士陳寡言隱玉霄峰以琴酒吟詩放情自任未嘗加飾其山居詩云醉卧茅堂不閉關覺來滿目見青山松花落處宿猿在麋鹿羣羣林際還又日照水冰作鑑掃雪玉爲